



## **Universitätsbibliothek Paderborn**

**Mvndvs Et Mvndi Partes, Divinæ Bonitatis Ac Ivstitiæ  
Præcones**

**Stengel, Georg**

**Ingolstadt, 1645**

§. 5. Altera vice pulsans, & moneri superum rege[m] jubens Deus, denuò  
repellitur.

[urn:nbn:de:hbz:466:1-52365](#)

## 68 Cap. IV. Fulmina Pharaonem,

gerit Dominus seruo venia modum; moneret  
 judex reum, ut caueat fugiatq; supplicium.  
 Quæ maior posset esse bonitas? non tantum  
 Psalm. dat metuentibus se significationem, ut fugiant a  
 40.6. facie arcus, sed & persequentibus! At quid ille,  
 cui robur & as triplex, circa pectus erat,  
 quid fecit adamantinus Alphonsus? quia iam  
 præualuerat in vanitate sua, militis moni-  
 tionem, cum risu, accepit, & acerbo sarcasmo.  
 Quin illico exesse iussit, peruicacissime sa-  
 crilega illa repetens: si tempore creationis hu-  
 mana interfuisset, plurima melius ordinari po-  
 tuisse. Olim, promagno absurdio habebatur,  
 si sus docere Mineruā voluisset: aliquid abe-  
 surdius nostra sæcula audierunt. Potestne  
 humana superbia altius ascendere? olim, in  
 Luciferō, iuxta Deūm; iam in Alphonso, su-  
 pra Deūm ascendit, quem putare audet, ho-  
 mine minus sapientem. Quid hic par fuit fa-  
 cere diuinam Maiestatem? in quod non ca-  
 lamitatis barathrū debuit hunc Regem pre-  
 cipitare? Ex æquo fecisset, si eum iuxta, aut  
 infra ipsum Luciferum, in inferni infima, &  
 ultima applausisset, tam nouum, & impi-  
 um æmulum diuinitatis'.

## §. V.

Altera vice pulsans, & moneri superbū regem  
 inbens Deus, denuo repellitur. At

& Alfonſus, alioſq; eaſtigantia. 69

At vide cælestis Clementiæ immensitatē. Expulso, cum ignominia, pio milite, ac fidelī monitore, pauci erant dies, cùm iam Rex, apud Segobiam, versaretur, Eremitæ cui dā sanctissimo viro, eadem de Rege diuinitus ostensa mandataque sunt, quæ prius militi fuerant reuelata, & mandata. Eremita nihil prius habuit, quām vt Regem adiret, ei que, quę vidisset, quæ audiisset, ordine re- ferret, hortareturque, ad tam detestandam, de diuina Sapientia, blasphemiam quantocy- ūs retractandam, pœnitentiaque exemplari diluendam. Poterat hæc iterata monitio, fidem priori facere. poterat vel corneā fibrā emollire; sed verba siebat mortuo. Alphon- fūs, saxo durior, tanquā alter Sennacherib, in blasphemia perstigit; velut nouus Nabu- chodonosor, in superbia confirmatus, pro eo, vt diligeret Eremitam, toruo vultu, & corrugato naso, percussit, iratissimāq; voce, vt insipientē, abire à ſe procul in malā rem jussit, iterum nefanda illa verba repetens: *Si tempore creationis humanae interfüsseret, plurima melius ordinari potuisse.* Nempe Holofer- nem aut egit, aut imitatus eſt, Achior incre- pantem, quod soli D̄eo potentiam attribu- iſſet. *Vae vobis, Principes, vae Reges, si eō per-*

70 Cap. IV. Fulmina Pharaonem,

fastum elati estis, vt neque primipilos militum, neq; bonos consiliarios, neq; viros religiosos, neq; ipsos confessarios, aut Eremitas amplius audire sustineatis. Obduratae aures, obdurati cordis sunt argumentū: & obduratum cor, magnum est aut pereuntis signum, aut perituri.

§. VI.

*Fulminum, & tempestatis metu, tandem Alphonsius ad pœnitetiam adigitur.*

Quanquā non raro D e v s misericordia suæ omnipotentiam, etiam in istis faxis, ostendit. Accipite enim, obsecro, quid porrò contigerit huic, tam diu Christianū Pharaonē agenti. Proximā nocte, tenebris horrorem augentibus, tandem se se cœpit texere diuinæ maiestatis ira. Primum insoliti venti, & spiritus procellarum, concussis arborum ramis, & ædificiorum fundamentis vœsanissimè fremuerunt. Crepabant fenestræ; tremebant ianuæ, quatiebantur muri, mania ipsa videbantur collapsura. Caliginoso & nocturno cælo inducebantur foedissimæ nubes. Eæ inter se, Aquilonum vi, collisæ in repentinam flammā emicabant: fulguraq; metuenda identidem, è tenebris, coruscantia oculos perstringebant. Fulgura ærem